

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴ

ՈՐՈՇՈՒՄ N 1/9

2013 թվականի հոկտեմբերի 3-ի թիվ 1 նիստի

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՀԱՅԱԳԻՏԱԿԱՆ ՇԵՏԱԶՈՏՈՒԹՅՈՒՆՆԵՐԻ
ԻՆՍՏԻՏՈՒՏԻ ԿԱՆՈՆԱԴՐՈՒԹՅՈՒՆԸ ՆՈՐ ԽՄԲԱԳՐՈՒԹՅԱՄԲ ՀԱՍՏԱՏԵԼՈՒ ՄԱՍԻՆ

Ղեկավարվելով ԵՊՀ կանոնադրության 30-րդ կետի 3-րդ և ԵՊՀ գիտական խորհրդի կանոնակարգի 4-րդ կետի 3-րդ ենթակետերով՝ Երևանի պետական համալսարանի գիտական խորհուրդը որոշում է.

1. Երևանի պետական համալսարանի Հայագիտական հետազոտությունների ինստիտուտի կանոնադրությունը (հաստատված ԵՊՀ գիտական խորհրդի 2009թ. փետրվարի 26-ի նիստում) հաստատել նոր խմբագրությամբ:

2. Սույն որոշումն ուժի մեջ է մտնում ընդունման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ



1

Ա. Չ. ՍԻՄՈՆՅԱՆ

Հաստատված է ԵՊՀ գիտական խորհրդի

2013թ. հոկտեմբերի 3-ի նիստի թիվ 1/9 որոշմամբ

ԵՊՀ գիտական խորհրդի նախագահ



Ա. Չ. Մինոյան

ԿԱՆՈՍԱԴՐՈՒԹՅՈՒՆ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ

ՀԱՅԱԳԻՏԱԿԱՆ ՀԵՏԱԶՈՏՈՒԹՅՈՒՆՆԵՐԻ ԻՆՍՏԻՏՈՒՏԻ

1. ԸՆԴՀԱՆՈՒՐ ԴՐՈՒՅԹՆԵՐ

1. Մույն կանոնադրությունը սահմանում է Երևանի պետական համալսարանի (այսուհետ՝ ԵՊՀ) հայագիտական հետազոտությունների ինստիտուտի (այսուհետ՝ Ինստիտուտ) գործունեության իրավական հիմքերը:

2. Ինստիտուտը գործում է Հայաստանի Հանրապետության օրենսդրության համապատասխան, ԵՊՀ գործող կանոնադրության և սույն կանոնադրության հիման վրա:

3. Ինստիտուտը մշակում և Ինստիտուտի գիտական խորհրդում ընդունում է իր կանոնադրությունը, որը հաստատվում է ԵՊՀ գիտական խորհրդում: Մույն կանոնադրության մեջ փոփոխությունները և լրացումները կատարվում են նույն կարգով:

4. Ինստիտուտը ստեղծվում, վերակազմակերպվում, կամ լուծարվում է ԵՊՀ գիտական խորհրդի որոշմամբ:

5. Ինստիտուտի պաշտոնական անվանումն է՝

հայերեն՝ ԵՊՀ հայագիտական հետազոտությունների ինստիտուտ

ռուսերեն՝ Институт арменоведческих исследований ЕГУ

անգլերեն՝ Institute for Armenian Studies of YSU

6. Ինստիտուտի գտնվելու վայրն է՝ ՀՀ, ք. Երևան, Ալեք Մանուկյան 1 :

7. Ինստիտուտը ԵՊՀ կառուցվածքային ստորաբաժանում է, որն իր կանոնադրությանը համապատասխան օժտված է իրավունքներով և կրում է պարտականություններ:

8. Ինստիտուտն ունի կնիք, սահմանված կարգով կարող է ունենալ նաև իր անվանամբ դրոշմակնիք՝ (հայերեն, ռուսերեն, անգլերեն լեզուներով), պաշտոնաթուղթ (բլանկ), խորհրդանիշ և անհատականացման այլ միջոցներ:

II. ԻՆՍՏԻՏՈՒՏԻ ԽՆԴԻՐՆԵՐՆ ՈՒ ԻՐԱՎԱՍՈՒԹՅՈՒՆԸ

9. Ինստիտուտը ԵՊՀ գիտակրթական գործունեություն իրականացնող ստորաբաժանում է, որն իրականացնում է հայագիտության ոլորտում գիտահետազոտական գործունեություն, ինչպես նաև մագիստրոսական և ասպիրանտական կրթություն:

10. Ինստիտուտն իր իրավասության սահմաններում իրավունք ունի ընդունելու որոշումներ, եթե դրանք չեն հակասում Հայաստանի Հանրապետության օրենսդրությանը, ԵՊՀ կանոնադրությանը, ԵՊՀ ներքին իրավական ակտերին և Ինստիտուտի կանոնադրությանը:

11. Ինստիտուտը, ելնելով իր կողմից իրականացվող կրթական, գիտական, ուսումնաօժանդակ և տեխնիկական աշխատանքների բնույթից, ըստ սահմանված չափանիշների մշակում է իր հաստիքացուցակը, որը հաստատվում է ռեկտորի կողմից:

12. Ինստիտուտի ֆինանսական միջոցների գոյացման աղբյուրներ կարող են հանդիսանալ Հայաստանի Հանրապետության պետական բյուջեից կատարվող հատկացումները, Հայաստանի Հանրապետության ու օտարերկրյա պետությունների իրավաբանական և ֆիզիկական անձանց կատարած բարեգործական հատկացումները, նվիրատվությունները, Հայաստանի Հանրապետության օրենսդրությամբ չարգելված այլ աղբյուրներ: ԵՊՀ եկամուտների և ծախսերի տարեկան նախահաշվով ԵՊՀ խորհրդի որոշմամբ Ինստիտուտին կարող են հատկացվել ֆինանսական միջոցներ, որոնք Ինստիտուտը տնօրինում է սահմանված կարգով:

III. ԻՆՍՏԻՏՈՒՏԻ ԿԱՌԱՎԱՐՈՒՄԸ

13. Ինստիտուտի կառավարումն իրականացվում է ՀՀ օրենսդրությանը, ԵՊՀ կանոնադրությանը և Ինստիտուտի կանոնադրությանը համապատասխան, միանձնյա և կոլեգիալ կառավարման սկզբունքների գուգակցմամբ:

14. Ինստիտուտի կառավարման մարմիններն են Ինստիտուտի գիտական խորհուրդը և տնօրենը, որոնք իրենց իրավասության սահմաններում ընդունում են ինքնուրույն որոշումներ, եթե դրանք չեն հակասում Հայաստանի Հանրապետության օրենսդրությանը, ԵՊՀ կանոնադրությանը, ԵՊՀ ներքին իրավական ակտերին և Ինստիտուտի կանոնադրությանը:

15. Ինստիտուտի գիտական խորհուրդն իր իրավասության շրջանակներում քննարկում և լուծում է Ինստիտուտի գործունեությանն առնչվող հիմնական հարցերը:

16. Գիտական խորհուրդը կազմված է ի պաշտոնե, հրավիրյալ և ընտրովի անդամներից: Գիտական խորհրդի անդամները քսանյոթն են: Գիտական խորհրդի ի պաշտոնե և հրավիրյալ անդամների թիվը չի կարող գերազանցել գիտական խորհրդի կազմի 50 տոկոսը:

17.Գիտական խորհրդի կազմի մեջ ի պաշտոնե մտնում են տնօրենը՝ որպես նախագահ, տնօրենի տեղակալը, Ինստիտուտի լաբորատորիաների, կենտրոնների և բաժինների, ամբիոնի/ների ղեկավարները, արհիբյուրոյի նախագահը, մեթոդական խորհրդի նախագահը և Ինստիտուտի ուսանողներից մեկ ներկայացուցիչ:

18.Գիտական խորհրդի կազմում կարող են ընդգրկվել Ինստիտուտի գործունեության և մասնագիտությունների հետ կապված արտահամալսարանական ու արտաինստիտուտային մասնագետներ՝ գիտական խորհրդի կազմի մինչև 15 տոկոսի չափով:

19.Գիտական խորհրդի ընտրովի անդամների թեկնածությունները համամասնորեն առաջադրում են Ինստիտուտի կառուցվածքային ստորաբաժանումները, որոնց թիվը հաշվարկվում է ըստ տվյալ ստորաբաժանման հաստիքների գումարային թվաքանակի: Գիտական խորհրդի ընտրովի անդամներ կարող են առաջադրվել բացառապես տվյալ ստորաբաժանման հիմնական աշխատողները:

20.Գիտական խորհրդի լիազորությունների ժամկետը 5 տարի է: Գիտական խորհրդի լիազորությունների ավարտից մեկ ամիս առաջ տնօրենը ռեկտորի հաստատմանն է ներկայացնում գիտական խորհրդի անդամների ցուցակը:

21.Գիտական խորհրդի քարտուղարին գիտական խորհրդի անդամներից տնօրենի ներկայացմամբ նշանակում է ռեկտորը:

22.Ինստիտուտի գիտական խորհուրդը՝

1)ընդունում է Ինստիտուտի զարգացման ծրագիրը,

2)քննարկում է Ինստիտուտի լաբորատորիաների, կենտրոնների, բաժինների և ամբիոնների գիտահետազոտական և ուսումնամեթոդական աշխատանքների մասին հաշվետվությունները,

3)քննարկում է Ինստիտուտի կիսամյակային և տարեկան քննաշրջանների արդյունքները,

4)իր կազմից ձևավորում է մշտական և/կամ ժամանակավոր հանձնաժողովներ,

5)հաստատում է տնօրենի կողմից ներկայացված Ինստիտուտի գիտական խորհրդի մրցութային հանձնաժողովի կազմը,

6)Ինստիտուտի գիտական խորհրդի մրցութային հանձնաժողովը սահմանված կարգով իրավասու է կազմակերպելու և իրականացնելու Ինստիտուտի գիտաշխատողների աշխատանքի ընդունման համար անհրաժեշտ մրցութային գործընթացը,

7)սահմանված կարգով իրականացնում է Ինստիտուտի գիտաշխատողների համակազմի ընտրությունը՝ հիմք ընդունելով մրցութային հանձնաժողովի ներկայացրած թեկնածուներին,

8)սահմանված կարգով քննարկում է հայցվող գիտական կոչումը ստանալու երաշխավորության հարցը,

9)հաստատում է ասպիրանտների անհատական պլանները, ինչպես նաև ասպիրանտների ու հայցորդների տարեկան ատեստացիայի արդյունքները,

10)լսում է Ինստիտուտում կատարվող գիտական թեմաների վերաբերյալ հաշվետվությունները, դրամաշնորհների, գիտակրթական գործուղումների վերաբերյալ հաղորդումները,

11)քննարկում է կառուցվածքային ստորաբաժանումների կողմից ընդունված որոշումների դեմ բերված բողոքները,

12)լուծում է Ինստիտուտի կրթական, գիտական աշխատանքի, արտահամալսարանական և միջազգային գործունեության այլ հարցերը,

13)առաջարկություններ է ներկայացնում պատվավոր կոչումներ շնորհելու, մրցանակներ, անվանական կրթաթոշակներ տալու, ԵՊՀ շքանշանով և մեդալով պարգևատրելու, հանրապետական ու միջազգային պարգևների և կոչումների համար թեկնածությունների վերաբերյալ, ինչպես նաև լուծում է Ինստիտուտի կանոնադրությունից և ԵՊՀ իրավական այլ ակտերից բխող այլ հարցեր:

23.Ինստիտուտի գիտական խորհրդի նիստերը հրավիրում է տնօրենը՝ ըստ անհրաժեշտության, բայց ոչ պակաս, քան ութ անգամ մեկ ուսումնական տարում:

24.Գիտական խորհրդի նիստերն իրավագոր են նրա անդամների երկու երրորդի ներկայության դեպքում: Գիտական խորհրդի անդամների ներկայությունը գրանցում է գիտական քարտուղարը՝ նիստն սկսելուց առաջ: Քվորումը չապահովելու դեպքում գիտական խորհրդի նախագահի որոշմամբ գրանցման գործընթացը կարող է երկարաձգվել մինչև 30 րոպե:

25.Ինստիտուտի գիտական խորհրդում որոշումներն ընդունվում են խորհրդի նիստին ներկա անդամների ձայների պարզ մեծամասնությամբ, բաց քվեարկությամբ, եթե գիտական խորհուրդն այլ որոշում չի կայացրել: Գիտամանկավարժական պաշտոնների տեղակալման, ամբիոնների վարիչների ընտրության մրցույթների քվեարկությունը կատարվում է փակ, գաղտնի ընթացակարգով:

26.Գիտական խորհրդի նախագահի կողմից նիստի հրավիրման անհնարինության դեպքում գիտական խորհրդի նիստը հրավիրում է տնօրենի տեղակալը:

27.Գիտական խորհրդի նիստերին խորհրդակցական ձայնի իրավունքով կարող են մասնակցել համալսարանի ռեկտորը կամ պրոռեկտորը, ինչպես նաև հրավիրված այլ անձինք:

28.Գիտական խորհրդի որոշումները պարտադիր են Ինստիտուտի ստորաբաժանումների, աշխատողների և սովորողների համար:

29.Գիտական խորհրդի նիստերն արձանագրվում են: Արձանագրությունը ստորագրում են նախագահը և քարտուղարը: Նիստի օրակարգը և ընդունված որոշումները հինգ աշխատանքային օրվա ընթացքում ենթակա են հրապարակման ԵՊՀ պաշտոնական կայքում:

30.Ինստիտուտի գործունեությունը կազմակերպում և ղեկավարում է տնօրենը՝ իր իրավասությունների սահմաններում և Ինստիտուտի կանոնադրությանը համապատասխան:

31.Տնօրենն ունի տեղակալ:

32.Տնօրենին աշխատանքի նշանակում և աշխատանքից ազատում է ԵՊՀ ռեկտորը:

33.Տնօրեն կարող է նշանակվել նա, ով ունի գիտությունների դոկտորի կամ թեկնածուի գիտական աստիճան:

34.Ինստիտուտի տնօրենը՝

1)կազմակերպում և վերահսկում է Ինստիտուտի գործունեությունը գիտական, կրթական, միջազգային և այլ ոլորտներում,

2)ապահովում է Ինստիտուտի գիտական խորհրդի որոշումների կատարումը,

3)ռեկտորի հաստատմանն է ներկայացնում Ինստիտուտի հաստիքակազմը,

4)նշանակում է տնօրենի տեղակալին,

5)ռեկտորի հաստատմանն է ներկայացնում Ինստիտուտի կառուցվածքում ամբիոններ, լաբորատորիաներ և այլ կառուցվածքային ստորաբաժանումներ ստեղծելու, վերակազմակերպելու և լուծարելու վերաբերյալ,

6)գլխավորում է Ինստիտուտի մրցութային հանձնաժողովը և Ինստիտուտի գիտական խորհրդի հաստատմանն է ներկայացնում մրցութային հանձնաժողովի թեկնածուներին,

7)սահմանված կարգով համալսարանի ռեկտորին առաջարկություններ է ներկայացնում գիտաշխատողներին ստորաբաժանումից ստորաբաժանում փոխադրելու, համապատասխան արձակուրդ ձևակերպելու վերաբերյալ,

8)հաստատում է լաբորատորիաների, կենտրոնների և բաժինների գործունեության տարեկան ծրագրերը:

9)վերահսկում է ուսումնական գործընթացի հետ կապված գործառույթների իրականացումը,

10)տնօրինում է Ինստիտուտին հատկացված ֆինանսական միջոցները, այդ մասին հաղորդում է Ինստիտուտի գիտական խորհրդին ամենամյա հաշվետվություն ներկայացնելու ժամանակ,

11)լուծում է Ինստիտուտի կանոնադրությունից բխող և Ինստիտուտի գիտահետազոտական ու ուսումնամեթոդական գործունեության հետ կապված այլ հարցեր:

35.Տնօրենն արձակում է հրամաններ, տալիս է հրահանգներ, որոնք պարտադիր են Ինստիտուտի կառուցվածքային ստորաբաժանումների, աշխատողների և սովորողների համար:

36.Ինստիտուտի գործունեության ընթացիկ հարցերի լուծման համար Ինստիտուտում գործում է խորհրդակցական մարմին՝ տնօրինություն, որի կազմի մեջ մտնում են տնօրենը, նրա տեղակալը, ստորաբաժանումների վարիչները, գիտական խորհրդի քարտուղարը, մեթոդական խորհրդի նախագահը, արհբյուրոյի նախագահը և Ինստիտուտի ուսանողներից մեկ ներկայացուցիչ:

37.Տնօրինությունը հարցերը քննարկում է տնօրենի առաջարկով:

38.Ինստիտուտի ուսումնամեթոդական և գիտահետազոտական հարցերի քննարկման համար Ինստիտուտում գործում է մեթոդական խորհուրդ:

IV. ԻՆՍՏԻՏՈՒՏԻ ԿԱՌՈՒՑՎԱԾՔԸ

39.Ինստիտուտի հիմնական ստորաբաժանումներն են լաբորատորիաները, կենտրոնները և բաժինները: Ինստիտուտում կարող են գործել նաև ամբիոններ և գիտակրթական ու այլ ստորաբաժանումներ:

40.Լաբորատորիաները, կենտրոնները և բաժինները Ինստիտուտի գիտական գործընթացի կազմակերպման հիմնական կառուցվածքային ստորաբաժանումներն են, որոնց ստեղծման և գործունեության կարգը, ինչպես նաև իրավասությունը սահմանվում է Ինստիտուտի կանոնադրությամբ:

41.Լաբորատորիաների, կենտրոնների և բաժինների կազմում ընդգրկված են գիտաշխատողները, լաբորանտները:

42.Լաբորատորիաները, կենտրոնները և բաժինները մշակում են իրենց գործունեության տարեկան ծրագիրը և ներկայացնում տնօրենին հաստատման համար:

43.Լաբորատորիաների, կենտրոնների և բաժինների գործունեության հիմնական հարցերը քննարկվում են լաբորատորիաների, կենտրոնների և բաժինների համակազմի նիստերում: Լաբորատորիաների, կենտրոնների և բաժինների նիստերին խորհրդակցական ձայնի իրավունքով կարող են մասնակցել տնօրենը կամ տեղակալը, լաբորատորիաների, կենտրոնների և բաժինների գիտաշխատողները, ասպիրանտները, ուսումնասօժանդակ համակազմը և այլ աշխատողները: Լաբորատորիաների, կենտրոնների և բաժինների նիստերը հրավիրվում են ըստ անհրաժեշտության, բայց ոչ պակաս, քան տարեկան ութ անգամ: Լաբորատորիաների, կենտրոնների և բաժինների նիստերն արձանագրվում են: Արձանագրությունները ստորագրվում են լաբորատորիաների, կենտրոնների և բաժինների ղեկավարի ու գործավարի կողմից:

44.Ինստիտուտի կանոնադրության հավելվածի տեսքով ներկայացվում են Ինստիտուտի բոլոր կառուցվածքային ստորաբաժանումները:

Հավելված

ԵՊՀ հայագիտական հետազոտությունների ինստիտուտի կառուցվածքային ստորաբաժանումները՝

1. Հայոց պետականության պատմության հիմնահարցերի հետազոտության բաժին
2. Բաբկեն Հարությունյանի անվան Հայաստանի պատմական աշխարհագրության և քարտեզագրության լաբորատորիա
3. Հայ-վրացական հարաբերությունների բաժին
4. Հայ-քրդական առնչությունների բաժին
5. Հայ-օսմանական առնչությունների բաժին
6. Հնագիտական հետազոտությունների լաբորատորիա
7. Վիրտուալ հայագիտության և տեղեկատվության բաժին
8. Ցեղասպանագիտության բաժին
9. Սփյուռքագիտական հետազոտությունների բաժին
10. Հայագիտության հարցեր հանդեսի խմբագրություն
11. Հայագիտական գրադարան